

Չեմ դիտեր թէ ուրիշ՝ առնելով Արշակ Արցախահեան կը գրէ. «1241ին կամ քիչ առաջ կը մեռնի Մարծպան» (ՀՊատ. Հայաստանի Սահմանները», էջ 273): Խիստ հաւանաբար Աճառեանի «Անձնանուններու Բառարան»էն (Մարզպան, թիւ 1), ուր կ'ըսուի. «Արդէն մեռած էր 1241 թուին»:

Բարձրաբաշի ուրիշ մէկ արձանագրութեան մէջ, ՈՂԱ. (1242) թուահանու, կ'ըսուի. «...Եւ Սէյիճի ծառա Մարծպանա եւ ամուսին իմ...», ուր ոչ մէկ խօսք կայ Մարծպանի արդէն մեռած ըլլալուն մասին (Յիշատ. 18):

Ուրեմն Մարծպան կամ Մարզպան Բ որդի Սարգիս Ա-ի եւ եղբայր Սմբատ Բ-ի, ամուսնացած էր Մամբանի եւ անկէ ունէր չորս որդի՝ Գրիգոր, Ասլան բէկ, Սարգիս Բ եւ Ամիրա: Կիրակոս Գանձակեցի Թաթարներու սովորութեանց մասին խօսած ատեն իր պատմութեան մէջ կ'ըսէ. «Ձայս պատմեաց մեզ Գրիգոր իշխանն, որդի Մարզպանին, եղբայր Ասլան բէկին, Սարգիս եւ Ամիրային, յազգէ Մամիկոնէից, զոր իւր իսկ լուեալ էր ի մեծ առնէ միտջէ ի կարի աւագաց, որում անուր էր Ղութունուին, յաւուր միում յուսուցանել նորա զմանկագոյնսն» (Կ. Մելիք-Օհանջանեան, էջ 272-273): Իսկ Կիրակոս խօսելով Քուրդ իշխանի մասին, կ'ըսէ. «Կին նորա Խորիշահ յազգէ Մամիկոնէից, դուստր Մարզպանայ՝ քոյր Ասլան բէկին եւ Գրիգորայ» (Անդ, էջ 365):

## Խ Ո Ր Ի Շ Ա Հ

Մարծպան Բ-ի դուստրն է այս իշխանուհին, որ ամուսնացած էր Վաչէի որդի Քուրդ մեծ իշխանին: Կիրակոս Գանձակեցի կը գրէ, երբ կը խօսի Հեթումի այցելութեան մասին առ Բաթու եւ Մանգու Խան Թաթարները. «Եկն (Հեթում) ի Կարս քաղաք: Եւ տեսեալ զԲաշու-նուինն, որ զօրագետ էր Թաթար զօրուն՝ որ յԱրեւելս, եւ զայլ մեծամեծսն, եւ պատուեալ ի նոցունց, զտեղի առ յոտն Արագածու՝ հանդէպ լերինն Արայի, ի զիւղն Վարդէնիս, ի տանն իշխանին, զոր Քուրդ անուանէին, Հայ ազգաւ, կրօնիւք քրքրեստոնեայ, եւ որդիք իւր Վաչէ եւ Հասան, եւ կին նորա Խորիշահ՝ յազգէ Մամիկոնէից, դուստր Մարզպանայ՝ քոյր Ասլան բէկին եւ Գրիգորայ» (Մելիք-Օհանջանեան, էջ 364-365): Ասիկա կը հաստատէ Քուրդ իշխանի եւ Խորիշահի բարձրագատիւ ըլլալը:

Քուրդ որդի Վաչէի մեղի թողուցած է կարգ մը արձանագրութիւններ ուր կը յիշուի Խորիշահ վերջնոյս ծնողաց հետ: Ասոնցմէ մին Յովհաննա վանքի ժամատան արձանագրութիւնն է, ուր կ'ըսուի. «Յամի ՈՂԹ (1250) ... եւ Քուրդ՝ որդի Վաչէի եւ ամուսին իմ Խորիշահ՝ դուստր Մարծպանա եւ Մամբանա, ինամաւքն Աստուծոյ հաճո եղեալ այլազգի զաւրացն նետողաց ...» (Յիշատ. 17): Ի՞նչ էր Քուրդի կատարած ծառայութիւնը: Անտարալիոյս Թաթար բանակին արշաւանքներուն մասնակցած էր Բաշու-նուին հրամանատարութեան տակ: Հաւանական է որ Թաթար բանակէն 1243ին Կարնոյ, Կեսարիոյ, Սերաստիոյ եւ Երզնկայի գրաման մասնակցած էր, երբ Թաթար բանակին մէջ բազմաթիւ Հայ իշխաններ կային իրենց զօրամասերով Բաշու-նուի հրամանատարութեան տակ: Քուրդ իր ստացած աւարին բաժինը «զանձն իմ եզի ի վերա էկեղէցեաց Հայոց» կ'ըսէ:

Սանահինի վանքը, «զրսի դաւթի արեւմտեան պատին յենած մեծ խաչքարի ճակատին», կ'ըսէ Կարո Ղաֆաղարեան, կայ սա արձանագրութիւնը. «Նշան (դ) (Ա) յաւուրեա Քորդի, Խորիշահի, և զաւ(ա)կաց նոյս» («Սա-